

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 60 (1975)

Heft: 4

Artikel: Cronica : entschatta october 1974 entochen la fin da fevrer 1975

Autor: Berther, Norbert

DOI: <https://doi.org/10.5169/seals-882392>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

Cronica

(Entschatta october 1974 entochen la fin da fevrer 1975)

Fatgs romontschs

Radunanza generala dalla Romania

Ils 28 da december salva l'uniun romontscha dalla Surselva catolica sia radunanza generala a Vella. La tractanda principala ei la nova structura dil Tschespet. Ils delegai concludan da mantener quella retscha ed edir annualmein in tom che survegn in vestgiu individual. Sco successur da *Gion Artur Manetsch* surpren lic. fil. *Pieder Simeon* la redacziun. El vegn sustenius d'ina cumissiun d'edizion che secumpona da dr. *Arnold Spescha* (lungatg), *Hendri Spescha* (grafica) ed *Iso Tuor* (vendita). – Igl Juhé, la collecziun da canzuns popularas, duei vegnir edius daniev sut l'egida d'*Albert Decurtins*. Plinavon concluda la Romania da realisar la stad proxima ina fiesta populara a Lags. Alla fin dalla radunanza relata *Hendri Spescha* sur dalla reorganisaziun della Ligia Romontscha.

Romania studentica

Avon la radunanza dalla Romania gronda serimnan ils students ad ina seduta. Els sefatschentan dalla damonda: Romania studentica – gie ni na. Enconuschten tamein ei quella uniun stada ualti passiva ils davos onns. In mussament persuenter ei la munconza d'ina suprastanza. Sco ei semuossa denton alla sesida ein ils students buca promts da schar ir lur uniun ellas caglias. Tochen da Pastgas vu-lan els promover la collaboraziun denter ils students dils differents liugs da studi e lu duei haver liug ina radunanza, ella quala la damonda dalla Romania studentica duei vegnir decidida.

Cuors da romontsch a Glion

Il meins da november realisescha la Romania in cuors da romontsch per canzlists e birolists a Glion. 15 participonts suondan cun grond interess las lecziuns da prof. *Giusep Decurtins*. Lur giavisch ei che tals exercezis pratics vegnien continuai.

La Cuminanza dallas mussadras romontschas (CMR) seraduna a Breil

Ils 7 ed ils 8 da november salva la CMR sia radunanza generala a Breil. En il rapport annual fa la presidenta, *Marianna Maissen*, speciala menziun da duas occasions: in referat sur dallas praulas da prof. dr. *Leza Uffer* ed ina presentazion dala ritmica da dunna *Lorenz*.

Prof. dr. Alexi Decurtins daventa cauredactur dil Dicziunari romontsch grischun

A caschun dalla radunanza generala dalla Societad retoromontscha dils 14 da fevrer communichescha il president, dr. *Gion Deplazes*, che la suprastonza hagi eligiu prof. dr. *Alexi Decurtins* sco niev cauredactur dil DRG. El ei successur da dr. *Andrea Schorta* che ha dedicau 40 onns a quella impurtonta ovra. Muort ses gronds merets numna la radunanza il scienziat engiadines commember d'honur.

Ils scripturs romontschs a Zernez

Ils 5 e 6 d'october salva l'Uniun da scripturs romontschs sia radunanza generala a Zernez. La serada romontscha ei dedicada al poet dil liug, *Jon Guidon* p. m. Ulteriuramein prelegia *Toni Halter* duas da sias raquintaziuns cuortas. A caschun dalla radunanza generala dil proxim di recepeschan ils scripturs sco novs commembers lic. fil. *Felix Giger*, Surrein/Friburg e scol. sec. *Clò Duri Bezzola*, s. Murezi.

20 onns Radioscola romontsch

Igl onn 1954 ei il Radioscola romontsch (RS) vegnius fundaus. Iniziants da quella impurtonta instituziun ein scol. sec. *Sep Mudest Nay*, ils inspecturs da scola *Leo Bundi*, *Töna Schmid* e *Gion Duno Simeon* e se capescha era prof. dr. *Alfons Maissen*. El ei tgrader dall'emissiun naven dall'entschatta tochen al di dad oz e plinavon redactur dalla periodica «Radioscola». Ella davosa numera da quella (ann. XXI, 1975, 3. cud.) undreschan *Risch* e *Giaronas Cadonau* ils merets da prof. Maissen per il RS. Alla fin da quei cùdischet anfla il lectur in register dallas annadas dil RS da 1955–1975.

Romontsch sco lungatg da matura

Alla sessiun dil Cussegl grond digl atun vargau inoltrescha *Iso Tuor* ina pintga damonda alla Regenza pertucccont introducir il romontsch sco lungatg da matura ellas scolas medias dil Grischun (GR, 24-1-75). Il schaner arriva la risposta dalla executiva cantunala. Malgrad ch'ella ei cunsienta dalla muntada dil romontsch sa ella buca rispunder en senn positiv. Quella sligiazion cumenta buca tuts e caschuna ina discussiun ella pressa. Cumpareglia p. ex. ils artechels dils students romanians da Turitg (GR, 11-2-75) e da P. dr. Ursicin Derungs (GR, 21-2-75).

Prof. dr. Pieder Cavigelli docescha litteratura romontscha all'universitat da Turitg

Per igl onn 1974/75 ha prof. dr. *Pieder Cavigelli* l'incumbensa da leger sur dalla litteratura romontscha all'universitat da Turitg. Il semester d'unviern plaida el sur dalla renaschientscha romontscha, risguardond specialmein *Gion Antoni Huonder*, *Placi Condrau*, *Giachen Caspar Muoth*, *Caspar Decurtins* ed *Alfons*

Tuor. El fa denton era menziun dils iniziants da quei moviment, sco per exemplu da Geli Caduff, Gion Antoni Bühler, Gion Barclamiu Arpagaus, Alexander Balleretta eav.

Il semester da stad ei dedicaus alla renaschientscha ladina.

Sper quellas lecziuns dat prof. Cavigelli era in cuors per emprender romontsch che anfla gronda accoglientscha.

Cuors da romontsch alla televisiun?

Alla sessiun d'atun fa cusseglier naziunal, dr. *Luregn Mattias Cavefty* la sequenta interpellaziun: «En vesta al grond interess per ils divers cuors linguistics alla televisiun svizra setschenta la damonda, schebein buca era il romontsch sappi vegnir recepius el program d'instrucziun. Ei il Cussegl federal dil meini ch'ei füssi giavischeivel d'intermediar enconuschentschas davart nies quart lungatg naziunal svizzer tras la televisiun ed eis el promts da sustener tuttas intenziuns concernentas?» Alla entschatta digl onn rispunda la regenza svizra en senn positiv alla damonda. Ella dat denton la gronda peisa sil radio, damai che la realisaziun da tals cuors seigi pli sempla e meins custusa tier quei mied da massa.

Referats e discussiuns sur dil romontsch

El ravugl dalla Societad retoromontscha plaida prof. *Bernard Cathomas* ils 4 d'october sur da «aspects della bilinguitad», risguardond specialmein la situaziun dils Romontschs. Il scopo da siu referat ei da mussar che la sperdita dil romontsch caschunass buca insufficienzas e donns psichics ed intellectuals e che la ferma voluntad ed igl idealissem tonschien buca per spindrar in lungatg. Nies lungatg seigi da mantener, perquei ch'el constituisech' ils Romontschs sco gruppa cun certi dretgs politics ed economics enteifer ina societad gronda.

Dalla bilinguitad sefatschentan era ils students turitges dalla romanistica e germanistica che visetan Mustér la fin d'october. Els interqueran ils problems dalla bilinguitad tier ina populaziun che plaida romontsch e tudestg.

Ils 11 da november sefatschenta il Podium litterar da Turitg dalla litteratura romontscha. Alla entschatta dattan zacons giuvens scribents emprovas da lur lavur litterara, denter auter era *Silvio Camenisch* e *Felix Giger*. Dil discours suandon da podium separticipeschan scol. sec. *Cla Biert*, dr. *Gion Deplazes* e scol. sec. *Armon Planta*.

Ils 21 da november organiseschan ils scolasts da Lags e la fundaziun «Pro Lags» ina serada cun il scribent *Toni Halter*. El discuora sur dil manteniment dil romontsch e prelegia alla fin ord sia ovra nova «Diari suenter messa».

Ils 13 e 14 da november realisescha *W. Theodor Elwert*, professur da romanistica, in colloqui davart il romontsch en sia universitat a Mainz. Igli emprem di plaida prof. dr. *Alexi Decurtins* davart la formazion da neologissem el romontsch. Lu relata prof. *Helmut Stimm*, Minca, davart problems sintactics dil sursilvan. Il di va alla fin cun in votum da prof. *W. Theodor Elwert* sur dalla bibla valladra da Vulpius e Dorta. Il secund di refereschian 3 scienziai sur dil ladin dolomitan.

Quest unviern salva dr. *Paul Tomaschett* treis referats pertuccont il pievel ed il lungatg romontsch alla scola aulta populara da Lucerna. Nies cumpatriot dat era

cuors da romontsch, buca mo per ils scolars dalla scola cantunala, mobein era per carschi.

Fetg activs enten far enconuschents nies romontsch a tals d'auter lungatg ei era P. dr. Ambros Widmer dalla claustra Mustér. Dapi 1972 ha el salvau ver 40 referats. Il davos ein ils suandonts:

- ils 8 d'october per ina grupper da students dalla «Laval Catholic High School, Laval, Canada.
- ils 3 da november als offiziers dalla Svizra franzosa en survetsch a Breil.
- ils 27 da december ed ils 12 da fevrer als hospes belges dil Hotel Acla da Fontanña, Mustér.
- ils 8 da schaner ed ils 4 da fevrer pils hospes da Mustér eifer il program cultural dall'Uniun da cura e traffic Mustér.

Religion

Dis da meditaziun per ils scolasts

Ils 30 da november ed igl emprem da december realisescha la secziun Cadi dalla Uniun catolica per scola ed educaziun dus dis da meditaziun per ses commembars. Sco referent stat sur vicari episcopal, dr. Carli Schuler a disposiziun.

Decanat sursilvan

Ils 26 da settember envidan il Decanat sursilvan ed il colloqui sur igl uaul ils plevons catolics e protestants ad in di d'informaziun sur la lavur dalla baselgia per ils affons retardai.

A caschun dalla radunanza generala che ha liug ils 26 da november elegian ils spirituals sur *Pius Venzin*, plevon a Vrin, sco niev parsura. El ei successur da sur *Placi Huonder*, plevon a Sumvitg. Alla radunanza dils 18 da fevrer tractan els l'instrucziun en ductrina, la pastoraziun dalla giuventetgna, ina nova pusseivladad da studegiar teologia e problems dallas missiuns.

Survetsch divin dalla Claustra da Mustér ella televisiun

La Televisiun svizra emetta ils 27 d'october il survetsch divin dalla baselgia claustral da Mustér. La messa, embellida dil chor da paders e students, celebrescha avat *Victor Schönbächler*, ferton che Pader *Daniel Schönbächler* salva il priedi.

Cultura

Il Chor viril Lumnezia sut nova direcziun

Suenter ver dirigi varga 30 onns il renomau Chor viril Lumnezia remetta il diri-

gent, *Gion Giusep Derungs*, siu uffeci. Sco successur elegian ils cantadurs ils 16 da november il giuven musicist, *Armin Caduff* da Tavanasa.

Sentupada dalla Lispla sil Lucmagn

Ils 5 d'october s'entupa la giuventetgna dalla Cadi sil Lucmagn sut la bitgetta dad *Urban Caduff*. Suenter il survetsch divin tscheina ella el hospezi. A quella occasiun plaida deputau *Battesta Flepp* sur da fatgs politics e structurals dalla Val Medel.

Pro Radio-Televiſiun a Trun

La Pro Radio-Televiſiun – ina instituziun che ha per mira da cusseglia la populaſiun davart ils mieds da massa – realisescia ils 24 d'october ina serada da diſcuſſiun a Trun. Alla fin surdat ella in apparat da televiſiun allas scolas da Trunvitg, Zignau, Schlans e Breil.

550 onns Ligia grischa

Ils 10 da november ha liug a Trun ina festivitat commemorativa «550 onns Ligia grischa». L'entschatta dat in til da gruppas historicas, accumpagnadas dallas uniuns culturalas da Trun e dils hospes d'honur, denter auter dalla Regenza grischna. Igl act festiv ha liug ella aula dalla casa da scola. Suenter differents plaids dat ina gruppa da giugadurs ina scena historica, arranschada d'*Alfons Vinzens*. Interessants ei era il film, staus fatgs a sias uras a caschun dalla fiasta centenara da 1924.

Fatgs artistics

Dils 30 da november entochen ils 4 da december expona *Leo Demund* sias sculpturas el hotel Dulezi a Trun. Igl artist ei naschius ils 20 da mars 1939 a Trun. El ei vegnius inspiraus da tagliar ora entras la lectura dil cudisch «Il cavrer da Vigliuz», da *Gion Deplazes*. Sco autodidact ha el cuntinuau quell'occupaziun suenter ver bandunau la scola. Suenter liung temps anfla el la renconuschienscha. (Cump. las reproducziuns da treis da sias ovras en quest Ischi.)

Il december expona *Mattias Spescha* ella galleria Stampa a Basilea. Ses maletgs muossan ch'igl artist ha fatg atras in svilup: Els han gudignau dimensiun, altezia e ladezia ed han desistiu pli e pli fetg dalla colur. Las plasticas dattan perdetga che Spescha ha anflau ina ulteriura moda da s'exprimer.

Ils 28 da november retscheiva *Alois Carigiet* il premi cultural grischun, ensemencun siu amitg *Leonard Meisser*. La laudatio fa prof. dr. *Alexi Decurtins*. (Cump. GR, 6-12-74)

Fatgs socials

Il center da diagnostica a Glion daventa center preventiv da medicura

Egl emprem faszichel digl Ischi hiel fatg menziun dil center da diagnostica a Glion che ha buca saviu veginr aviarts. Suenter liungas tractativas arrivan ins plaunsiu ad ina sligiaziun. Avon entgin temps cumpra ina societad d'hoteliers da Tavau igl entir complex per far ordlunder in center preventiv da medicura. Ils 25 da schaner ha liug l'avertura.

Uniun cantunala dallas cassas da malsauns a Glion

Ils 26 e 27 da settember salva l'Uniun cantunala dallas cassas da malsauns e dall'Uniun da reassicuranza lur radunonza a Glion, dalla quala 130 delegai pren-dan part. Las duas instituziuns veggan tgamunadas da cuss. naz. *Georg Brosi*. Dalla suprastonza fa era *Otto Friberg* part.

Canorta romontscha, Turitg



El secund faszichel digl Ischi semestril hiel rapportau dil giubileum da 10 onns dalla Missiun catolica romontscha (Micaro) a Turitg. Sco la cronica da *Gieri Dermont*, Rueun/Turitg, demuossa, ha quella cumionza giugau ina impurtonta rol-la religiosa e sociala. Novissimamein vul la Micaro acquistar in dacasa stabel, ina canorta romontscha. En quella duei la giuventetgna romontscha ver la pusseivladad da sentupar mintga di. Sco tochen dacheu vul la Micaro discutar problems actuals, religius ed auters. Ultra da quei vul ella organisar divers cuors. In oratori duei dar la caschun per oraziun e meditaziun. (Cump. GR, 24-12-74 e 21-2-75)

Scola

Fusiun dallas scolas Flond/Surcuolm

Ils 11 da schaner envida il cussegli da scola da Flond e Surcuolm ils geniturs ed amitgs dalla scola ad ina discussiun cun ils scolasts e cussegliers da scola. En-conuscentamein han las duas vischnaucas numnadas fusiunau la stad varga-da lur scolas primaras e quei sin moda suandonta: A Surcuolm veggan las em-premas treis classas instruidas, ferton che Flond dat suttetg als scolars dalla quarta tochen la sisavla classa.

«Sin cadruvi», sculptura da L. Demund



Emprema scoletta en Lumnezia

Igl october arva l'emprema scoletta en Lumnezia sias portas a Vignogn. Ella por-scha instrucziun als affons da Vignogn, Degen e Vella. Sia fundaziun ha saviu vegnir realisada mo grazia alla iniziativa da singulas persunas ed alla solidaritat d'enzocontas vischnauncas dalla Bassa.

Conferenza cantunala dils scolasts a Val

La conferenza cantunala dils scolasts che ha liug ils 26 da settember a Val, decida da buca introducir l'instrucziun da franzos ella scola primara. La damonda vegn discussiunada momentan sin plaun svizzer. Different cantuns ein encunter quei pass. Era il Grischun vul saver nuot da quella novaziun. Quella decisiun ei da gronda impurtonza per il romontsch che fuss vegnius periclitatus entras quei niev rom en scola.

Sport

Dils 22 entochen ils 28 da settember ha liug a *Flem* l'emprema jamna internazionala alpina da balluns, dalla quala 23 pilots ord differentas tiaras fan part.

Ils 25 e 26 da schaner organisescha *Breil* la concurrenza per il 52avel campiunadi alpin grischun da skis. Campiun grischun daventa in Sursilvan, numnadamein Pius Truffer da Val s. Pieder.

Ils 9 da fevrer realisescha il club da skis *Vuorz* in slalom gigantic internaziunal FIS da damas sil territori Péz d'Artgas. Victura da quella concurrenza ei Marie-Theres Nadig.

Fatgs publics

Niev stabiliment da schurmetg civil a Tujetsch


Ils 27 d'october sa la vischnaunca da Tujetsch inaugurar il niev stabiliment da schurmetg civil a Sedrun. Il baghetg cuosta 1 400 000.– frs. Da quels surpren la Confederaziun 65%, il Cantun 15% e la vischnaunca 20%. En temps da pasch survestan las localitads era sco cantunament per 100 tochen 150 schuldada.

Il cussegli da vischnaunca da Domat viseta Mustér

Ils 23 d'october viseta il cussegli da vischnaunca da Domat Mustér. Intent da quei inscunter ei il scomi da meinis denter las duas vischnauncas.

Masca da L. Demund

Sculptura da L. Demund



Las vischnauncas sursilvanas surprendan il spital da Glion

A caschun dalla secunda radunanza da delegai dall'Uniun sursilvana da spital dils 19 d'october sedecidan ils delegai sut il presidi da dr. *Dumeni Columberg* da surprender il spital da Glion per la summa da ver 3 milliuns francs. Plinavon concludan els da reparter il deficit sin las vischnauncas tenor ina nova clav: 50% tenor diember d'habitants e 50% tenor forza da taglia. (Avon muntava la proporzion: 70% : 30%). Il quen dil spital per 1973 siara cun in deficit da 1 091 790.80 frs. Da quel ston las vischnauncas surprender 10%. Vitier vegnan aunc 65 000.– francs per la cumpra d'apparaturas.

Votaziuns

Palancau circuitual

Ils 20 d'october accepta il cumin dalla Lumnezia cun 1 017 gie encunter 652 na la lescha da taglia. Sin fundament da quella san las instanzas fixar il pei da taglia entochen 3% per persunas naturalas e giuridicas ed ina taglia persunala da dus francs. Tochen dacheu reparteva il cumin sias expensas sin las vischnauncas e quellas tagliavan ellas sin ils pagataglias.

Ils 8 da december fiera il cumin dalla Foppa la lescha da taglia cun 456 encunter 868 na. La nova norma prevedeva dad era cumpigliar persunas giuridicas, per aschia ver ina repartizion uliva dallas expensas. Tenor la lescha vertenta vegn il surpli dallas expensas repartius per 50% sin ils habitants e per l'autra mesadad sillas vischnauncas tenor lur forza finanziala.

Palancau cantunal

Ils 20 d'october pren il pievel grischun posiziun viers treis projects da lescha. Ferton ch'el accepta la nova organisaziun dil regal da sal (35 581 gie : 15 551 na), fiera el la taglia da spital (18 135 gie : 35 425 na) e la finanziaziun da vias (21 168 gie : 30 758 na). Sin fundament da quei resultat vegn il Grischun sfurzaus da restrenscher considerablamein sias expensas.

Resultats dalla Surselva

	Regal da sal gie	Regal da sal na	Taglia da spital gie	Taglia da spital na	Finanziaziun da vias gie	Finanziaziun da vias na
Cadi	2191	1508	1037	2774	1249	2475
Foppa	1248	632	706	1293	758	1172
Lumnezia	990	542	648	966	689	868
Rueun	497	344	310	599	319	546

Ils 8 da december accepta il Grischun la lescha per la promozion economica dal las muntognas cun 20 153 gie : 12 462 na. Sin fundament da quella sa il Cantun gidar a realisar igl agid federal per il territori els cuolms. Quei susteniment seba-sa sil sistem regiunal.

Resultats

	gie	na
Cadi	1537	1560
Foppa	744	558
Lumnezia	754	499
Rueun	409	294

Palancau federal

Ils 20 d'october ha il pievel svizzer da decider sur dall'iniziativa partenent la jasterisaziun. Cun 878 738 gie encounter 1 689 870 na tier ina participaziun da votar da 70% dat il suveran ina clara risposta. Era il resultat dil Grischun ei perschudents: 15 776 gie : 42 687 na.

Ils 8 da december refusescha il pievel svizzer 3 votaziuns federalas: Migliurar las finanzas (785 141 na : 623 548 gie), iniziativa socialdemocratica per ina assicuranza da malsauns (1 007 273 na : 383 028 gie) e la cunterproposta dil parlament (879 766 na : 457 823 gie). Mo la damonda da frenar las expensas vegn acceptada (922 558 gie : 465 838 na). Damai che quella sebasava sin in gie dalla votaziun concernent novas resursas finanzialas va ella buca en vigur.

Il Grischun accepta la votaziun per novas entradas cun 19 330 gie encounter 14 428 na, sco era la damonda per frenar las expensas cun 22 787 gie encounter 10 404 na. Las votaziuns pertuccont l'assicuranza da malsauns fiera era nies cantun cun 6 794 gie : 14 977 na, resp. 15 244 gie : 16219 na.

Turissem

Tujetsch

Ils 15 da december inaugurescha la Societad acziunara da runals Tujetsch il restaurant renovau a Milez. El cumpeglia ussa 200 plazs dapli. Novs ei il local el plaunterren che dat plaz a 100 skiunzs che han priu marenda cun els. Il project, elaboraus dil biro d'architectura *Dettling/Maissen* cuosta 300 000.– frs.

Alla entschatta dalla sesiun d'unviern 1974/75 sa la medema societad metter en funcziun il niev runal «Strem» egl areal da Valtgeva, nua ch'aunc 2 da quels indrezis sesanflan. Il niev runal ha ina lunghezia da 470 m e transporta 800 personas ad ura.

Mustér

Ils 18 da schaner inaugureschan las Pendicularas SA Mustér in niev runal da Lai Alv al Péz Ault. Il niev indrez ha ina lunghezia da 1 427 m e transporta 1 036 personas ad ura. Ils cuosts muntan a 1,4 millions francs.

La sesiun d'unviern organisescha l'uniun da traffic divers referats ultra dil program cultural. Ei seigi numnau mo zacons: Ils 9 da schaner plaida *Alfons Matt* sur

dalla China ed ils 14 da fevrer salva prof. dr. *Walter Wittmann* in referat sur dil tema: La Svizra egl onn 2000.

Crap s. Gion

Ils 13 d'october inaugurescha la Societad Crap s. Gion la sutgera Masegn-Alp da Ruschein ed ina jamna pli tard la sutgera Falera-Curnius.

Nos morts

Ils 6 d'october ei morts a Mustér suenter cuorta malsogna vegl cusseglier naziunal dr. *Giusep Condrau* ella vegliadetgna da 81 onn. Il defunct ha giugau ina impurtonta rolla schibein ella politica cantunala sco federala. 34 onns ha el apparteniu al Cussegl grond e 28 onns al Cussegl naziunal ch'el ha presidiau igl onn 1956/57. Gronds merets ha el era acquistau per il romontsch sco redactur ed editur. Perquei ha el meritau la menziun d'honur dalla Romania. (Cump. necrolog el Calender romontsch 1975.)

In meins pli tard ha sur *Ludivic Soliva*, prevost dalla catedrala e vicari general, bandunau questa veta ella vegliadetgna dad 82 onns. Suenter haver pastorau numerus onns, denter auter sco plevon a s. Murezi ed a Samedan, vegn el clamaus 1942 a Cuera sco magister da cant ed organist dil capitel catedral. Naven da 1948–1961 eis el staus sextar e penitenziar, da 1961–63 cantor, da 1962–69 vicari general e da 1963–74 prevost. (Cump. GR, 15-11-74)